



13. juni 2014

Inatsisartut Suleriaasianni § 37 naapertorlugu Naalakkersuisunut apeqqutit makku matumuuna saqqummiuppakka:

**Naalakkersuisunut apeqqutit Maniitsumi innuttaasunik ataatsimiititsineq pillugu:**

**1. Siumup Naalakkersuisuni ilaasortaaitai arfineq-marluk ulloq 9. juni Maniitsumi innuttaasunik ataatsimiititsipput. Isertorneqassanngilaq taakku Naalakkersuisunut ilaasortat Maniitsumiimmata Siumup nuna tamakkerlugu ataatsimeersuarneranut atatillugu. Tamanna tunngavigalugu Naalakkersuisunut uppersartikkusuppara, Naalakkersuisut pineqartut Maniitsumi innuttaasunik ataatsimiititsinerannut atatillugu Naalakkersuisut/Namminersorlutik Oqartussat aningaasartuuteqarsimanngitsut**

**2. Avatangiisinut Pinnortitamullu Naalakkersuisup ilinniakkat suut eqqarsaatigai oqarami, ilinniartoqarsinnaasoq kalaallisuinnaq ingerlanneqartumik aamma Naalakkersuisut tamarmiullutik suut ilinniakkat eqqarsaatigaaq oqartoqarmat siunissami ilinniakkat kalaallisuinnaq ingerlanneqarsinnaalissasut?**

(Inatsisartunut ilaasortaq Andreas Uldum, Demokraatit)

**Tunngavilersuut:**

Ataasinngornermi ulloq 9. juni Naalakkersuisuni Siumupilaasortaaitai tamarmik Maniitsumik innuttaasunik ataatsimiititsipput. Tunngaviusumik pitsaasuvoq Naalakkersuisuni ilaasortat innuttaasunik naapitsinissartik piffissaqarfigimmassuk. Kisianni Demokraatit isaannik isigalugu kukkuneruvoq, innuttaasunik ataatsimiititsineq aqqissuunneqarsimappat taamaallaat pissutaalluni Naalakkersuisut Siumukkormiut angalaneranut ineqarnerannillu akiliisimanagerat, taakku Maniitsuliarmata Siumup nuna tamakkerlugu ataatsimeersuarnerani peqataajartorlutik. Tamanna tunngavigalugu kissaatigaara uppersarneqassasoq Siumup nuna tamakkerlugu ataatsimeersuarneranut peqataanermi aningaasartuutit Naalakkersuisunit akilerneqarsimanngitsut.



Maniitsumi innuttaasunik ataatsimiititsinermit Avatangiisinut Pinngortitamullu Naalakkersuisoq ima oqarpoq: (Issuaaneq KNR-p nittartagaani pissarsiarineqarpoq)

*”Qallunaatut oqalussinaneq soorunami pingaaruteqarpoq, inuusuttulli ilinniartitaanermi katataasimasut aamma ikiornissaat aamma taama pingaartigaaq. Kialluunniit kikiak kappussinavaa, qanorluunniit oqaaseqaralaruni. Europamiut qaarusunni suli najugaqartut kalaallit qaanniortalereerput, taava sooq kalaallisut oqaaseqartuulluni ilinniartoqarsinnaangila?”*

Demokraatini tapersersunngilarput taamatut oqartoqarnera. Danskisut tuluttullu – sualummik tuluttut – oqaatsit pitsaasuupput atussallugu Meeqqat atuarfiata kingorna ilinniaqqinniaanni. Tamatumunnga pissutaavoq ilinniartitsissutinik kalaallisut allaqqasunik naammattunik soqannginnera. Tamatuma saniatigut aamma ilinniakkat amerlanersaannut ajornartussaavoq pikkorissunik ilinniartitsiussarsinissaq, ilinniartitsineq kalaallisuinnaq ingerlanneqassappat. Demokraatit taamaattumik Naalakkersuisut qinnuiginiarpaat Avatangiisinut Pinngortitamullu Naalakkersuisup oqaasii itisileqqullugit.

Apeqqutit akeqquneqarput ullut suliffiit naliginnaat qulit iluanni.